



Waxaad heshay sharciga degganaanshaha ee Finland

Waxda socdaalku waxaa ay ku siisay go'aan oggolaansho ah oo ku saabsan codsigaagii magangalyoddoonista. Waxaa arrinkaa loola jeedaa in aad heshay sharciga degganaanshaha kummeelgaarka ah ee Finland.

Go'aanka aad heshay waxaad si dhakhso ah ugu sheegtaa qareenkaaga iyo shaqaalaha xerada qaxootiga

Qareenkaaga iyo shaqaalaha xerada qaxootiga warbixinta ku saabsan go'aankaaga si ootomaatig ah uma helayaan, oo ma ogaan karaan.

Waxaa muhiim ah in aad u sheegto shaqaalaha xerada qaxootiga, in aad heshay sharciga degganaanshaha. Shaqaalaha xerada qaxootigu waxaa ay markaa adiga ku siinayaan talooyinka la xiriira waxyaabaha dhici doona marka qofku uu helo sharciga degganaanshaha..

Sidoo kale u sheeg qareenkaaga, in aad heshay go'aankii Waaxda socdaalka.

Go'aanka waxaa la socda oo aad heleysaa kaarka sharciga degganaanshaha dalka

Kaarka degganaanshaha dalka waxaa uu caddaynayaa in aad xaq u leedahay in aad joogto Finland. Kaarka waxaa lagu asteeyay ama lagu qoray, illaa iyo mudada uu sharciga degganaanshaahagu shaqaynayo.

Kaarka ha iska luminin. Haddii uu kaarkaagu kaa lumo, waa in aad barta adeegga ee Waaxda socdaalka ballan ka qabsato, si laguugu dalbo kaar cusub. Kaarka cusub waa lacag.

Marka aad ku nooshahay dalka Finland gudihiisa, waa in aad leedahay baasaboortu waqtigiisu shaqaynaayo oo aan dhacsanayn

Sida sharciga Finland uu dhigaayo, waa in aad leedahay baasaboortu waqtigiisu shaqaynaayo. Marka aad leedahay baasaboortu, Finland waad ka dhoofi kartaa, waadna ku soo laaban kartaa.

▪ Haddii aad Finland ka heshay sharciga heerka qaxootinimo ama kan heerka labaad ee badbaadada

Haddii lagu siiyay sharciga qaxootinnimada ama kan heerka labaad ee badbaadada ee dalkaan Finland, waad heysan kartaa baasaboorka dalkaaga hooyo, ama haddii aad doonayso waxaa heli kartaa baasaboorka qaxootinnimada ama kan loogu talaggalay dadka aan waddanka u dhalan ee ajnabiga ah. Adigu xaq uma lihid in aad isla haysato baasaboorka dalkaaga iyo baasaboorka laga bixiyo dalkan Finland. Haddii aad wali haysato baasaboorkii dalkaaga, waa in aad ku wareejisaa Waaxda socdaalka, marka aad hesho baasaboorka qaxootinnimada ama kan dadka ajnabiga loogu talaggalay.

Haddii aadan haysan baasaboorka dalkaaga hooyo, waa in codsataa baasaboorka qaxootinnimada ama kan dadka ajnabiiga ah:

- Haddii lagu siiyay magangalyo qaxootinnimo, waxaad heleysaa baasaboorka qaxootinnimada,
- Haddiise lagu siiyay sharciga heerka labaad ee badbaadada, waxaad heli kartaa baasaboorka ajnabiga. Codsiyadu waa lacag.

Fiiro gaar ah u yeelo, haddii marka aad heshay sharciga qaxootinnimada ama kan heerka labaad ee badbaadada aad raadsado baasaboorka dalkaagii, waxaa arrinkaas uu horseedi karaa in lagaala noqodo ama la baabi'yo sharcigaagii qaxootinnimada ama kan heerka labaad ee badbaadada.

▪ Haddii aad sharciga degganaashaha ku heshay sababo kale

Haddii aad sharciga degganaanshaha ku heshay sababo kale oo aan ahayn kan qaxootinnimada iyo midka heerka labaad ee badbaadada toonna, Waa in aad leedahay baasaboorka aan dhicin oo waqtigiisu shaqaynaayo oo dalkaaga hooyo ah, ama waa ina aad codastaa baasaboorka cusub oo dalkaaga ah.

Waxaad heli kartaa baasaboorka ajnabiga, haddii hawlawadeennada dalkaaga aadan ka heli karin baasaboorka, ama aad tahay qof jinsiyad la'aan ah, ama ay jirto sabab gaar ah oo kale oo aad ku heli karto baasaboorka ajnabiga. Xaaladdaan tan oo kale, Waaxda socdaalka ayaa ka fiirsanaysa, in adiga lagu siin karo baasaboorka ajnabiga iyo inkale. Codsigu waa lacag.

Xuquuqdaada shaqo qabasho waxaa laguugu sheegay go'aankaaga

Go'aankaaga ayaa Iguugu sheegay in aad Finland gudaheeda ku leedahay xuquuqda shaqo qabasho iyo inkale.

Waxaad noqonaysaa xubin magaalo

Shaqaalaha xerada qaxootiga ayaa ballan kuu qaban doona si ay kuu siiyaan talooyinka la xiriira u guurista magaalada. Wuxuu qofkaa shaqaalaha ah kaa caawin doonaa guri raadinta. Sidoo kale adiga nafsad ahaantaadu guriga waad raadsan kartaa. Qorshahaaga waxaad kala sheekeysataa shaqaalaha xerada qaxootiga.

Markad aad magaalada u guurto, waxaad dano dhamaysi u tagi doontaa xafiisyada kala ah Hay'adda hawlgabka qaranka (Kela), xafiiska shaqada iyo xafiiska diwaangelinta. Guuritaankaaga kadib macmiil kama tihid xerada mardambe. Adeegyadaada ku saabsan caafimaadka iyo kuwa arrimaha bulshada, waxaad ka heleysaa magaaladaada.

Waxaad wax baran kartaa adigoo aan u baahan wax oggolaansho gaar ah

Waxaad codsan kartaa goob waxbarasho, haddii lagu siiyana waad aqbali kartaa. Uma baahna in aad oggolaansho gaar ah u hesho si aad wax u barato.

Waxaa intaas dheer oo aad booliska ka dalban kartaa kaara aqoonsiga shakhsiyadeed

Booliska waxaad ka dalban kartaa kaarka aqoonsiga shakhsiyadeed, waana kaarka rasmiga ah ee aqoonsiga shakhsiyadeed. Waxaa uu ku fududaynayaa sidii aad hawlahaaga uga dhammaysan lahayd Finland gudaheeda. Codsiga kaarka aqoonsiga shakhsiyadeed waa lacag.

Waxaad fiiro gaar ah u yeelataa arrinka ah, in baasaboorka qaxootiga ama baasaboorka ajnabiga, midkoodna uusan ahayn dukumintiga rasmiga ah ee aqoonsiga shakhsiyadeed, haddii aanay ku qornayn calaamadaha sugaaya aqoonsiga shakhsiyadeed. Waxrbixinta dheeraadka ah ee hubinta aqoonsiga shakhsiyadeed waxaad ka heleysaa bogga internetka ee Waaxda socdaalka: migri.fi/henkilollisyys-varmistamatta.

Hadda waxaa xubinta qoyskaagu uu codsan karaa sharciga degganaanshaha Finland

Sharciga dalka Finland ayaa lagu qeexay, dadka ah xubnaha qoyskaaga ee soo codsan kara sharciga degganaanshaha dalkan Finland. In xubinta qoyskaagu uu helo sharciga degganaanshaha ee dalkaan Finland, waxaa ay ku xirantahay hadba nooca sharciga degganaanshaha ee adiga lagu siiyay. Codsigu waa lacag.

Haddii aad heshay aqoonsiga heerka qaxootinnimo, waa in aad fiiro gaar ah u yeelataa, in sharciga dalkaan Finland lagu xusay waqti loo qabtay arrinka la xiriira, in dhaqaalaha nolosha ee xubinta qoyskaaga uu yahay mid la sugay iyo inkale. Haddii aad Finland ka heshay aqoonsiga qaxootinnimo, waxaa go'aanka lagu soo raacin doona tilmaanbixin laguugu sheegaayo faahfaahin dheeraad ah oo arrinkaan ku saabsan, iyo qaabka uu xubinta qoyskaagu u soo codsan karo sharciga degganaanshaha ee dalkan Finland.

Warbixinta dheeraadka ah ee ku saabsan codsiga xubinta qoyskaaga ah ee sharciga degganaanshaha Finland, waxaad ka heleysaa boggayaga internetka: migri.fi/perheenjasenen-luokse-suomeen.

Xusuusnoow inaad cusboonaysiiso sharcigaaga degganaashaha

Haddii aad doonayso in aad sii joogto Finland, kaddib marka uu sharcigaaga degganaashaha ee aad haatan haysato kaa dhaco, waa in aad codsataa cusboonaysiinta sharciga degganaanshaha sii soconaya, kahor inta aanu kaa dhicin kan aad hadda haysato.

Codsiga sharciga degganaanshaha sii soconaya waxaad ka codsan kartaa internetka markasta oo arrinkaas uu suurtaggal kuu yahay. Tilmaanbixinta arrinkaas ku saabsan waxaad ka eegi kartaa boggayaga internetka:

migi.fi/jatkolupa

Marka aad buuxiso codsiga, waxaad adigoo internetka u soo maraya ballan ka qabsataa barta adeegga, kaasoo ah aqoonsiga ama xereynta codsiga awgeed. Adeegga ballan qabsashada waxaad ka heleysaa boggeena internetka: migi.vihta.com.

Waxaad habsataa in aad wadato dhammaan wixii lagaaga baahnaa, kahor inta aadan imaan barta adeegga. Waxaad akhrisaa tilmaanbixinta ku saabsan sida danaha looga dhammaysto barta adeegga ee Waaxda socdaalka ee ku qoran bogga internetka: migi.fi/nain-asioint-palvelupisteessa.

▪ Haddii aad heshay sharciga qaxootinnimada ama kan heerka labaad ee badbaadinta

Haddii aad heshay sharciga qaxootinnimada ama kan heerka labaad ee badbaadinta, Waxaa suurtaggal ah in sharcigaaga degganaashaha koowaad kaddib aad si toos ah u qaadato sharciga degganaanshaha ee joogtada ah. Waxaa kugu waajib ah in aad Finland ku noolayd afar sano.

Faahfaahinta dheeraadka ah ee ku saabsan sharciga degganaanshaha ee joogtada ah, waxaad ka heleysaa boggayaga internetka: migi.fi/pysyva-oleskelulupa.

Haddii aad codsanayso sharciga degganaanshaha sii soconaya ama baasaboorka, oo cinwaankii lagaala soo xiriiraayay uu isbeddelo, waa inaad sida ugu dhakhsaha badan isbeddelkaas ula soo socodsiiisa Waaxda socdaalka

Waxaa kugu waajib ah in aad Waaxda socdaalka u soo sheegtaa haddii uu isbeddel ku yimaado cinwaanka iyo telefoonka lagaala soo xiriiri karo, markii ay Waaxda socdaalku falanqaynayso codsigaaga. Inta la falanqaynaayo codsigaaga, Waaxda socdaalku gurigaaga ayay kuugu soo diri kartaa waraaqaha sida caadiga ah boosta loogu soo diro, ama waxaa ay kuu soo diri kartaa waraaq ogeysiin ah oo laguugu sheegaayo in warbixin lagu soo diray, taasoo aad ka soo qaadan karto goobta boostada ee laguugu soo sheegay waraaqdaas ogeysiinta ah.

Haddii aad codsigaaga u samaysay qaab elegtoroonig ah, waxaad isbeddelka cinwaankaaga ku soo sheegtaa nidaamka adeegsiga dano dhamaysiga internetka ee la yiraahdo Enter Finland: enterfinland.fi

Haddii aad codsigaaga u samaysay qaab qoraal waraaq ahaan ah, Waxaad cinwaankaaga isbeddelay noogu soo sheegtaa foomka la buuxinaayo ee ku jira boggayaga internetka: migi.fi/muutoksista-ilmoittaminen. Foomka waxaad ku soo dirtaa cinwaanka boostada ee waaxda socdaalka, ama waxaad si toos ah u keenta barta adeegga ee Waaxda socdaalka xilliyada ay furan tahay. Foomka waxaad ku soo gelisaa baqshad, kadibna ku rid sanduuqa boostada ee barta adeegga.

Aqoonsigaaga qaxootinnimo ama sharcigaaga heerka labaad ee badbaadada, mararka qaarkood waa la joojin karaa ama waa la kansali karaa

Sharcigaaga aqoonsiga qaxootinnimo ama kan heerka labaad ee badbaadinta waa la joojin karaa ama waa la kansali karaa, haddii aad tusaale ahaan u safartay dalkaagii ama aad raadsatay baasaboor.

Aqoonsigaaga qaxootinnimo ama kan heerka labaad ee badbaadinta waa la joojin karaa ama waa la kansali karaa, haddii aad hawlwadeennada siisay macluumaad khalad ah, ama kuwo marin habaabin ah, kuwaasoo saamayn ku lahaa go'aankii lagu siiyay.

Joojintaas ama kansalistaas kaddibna waxaa Waaxda socdaalku ay caddayn ku samaynaysaa, in sharcigaaga degganaanshuhu uu yahay mid sabab leh iyo inkale. Waxaa sidoo kale ay Waaxda socdaalku ka fiirsanaysaa, in dalka laga saaro, oo la amro in aadan dalkaan soo geli karin.

Dambi ku soo oogista ayaa noqon karta sabab keeni karta, in sharcigaagii qaxootinnimada ama kan heerka labaad ee badbaadada ee lagu siiyay mar labaad dib looga fiirsado. Waxaana ka fiirsashadaas ay keeni kartaa in sharcigaagii qaxootinnimada ama kii heerka labaad ee badbaadada lagaa joojiyo ama lagaa kansalo, waddankana lagaa saaro.

Dhalashada dalkan Finland gadaal ayaad ka codsan kartaa

Dhalashada Finland waxaad codsan kartaa, marka aad ku nooleyd Finland afar ama shan sano oo xiriir ah. Xilliga ku noolaanshaha ee la iska dalbayaa, waxaa ay ku xiran tahay sababta lagugu siiyay sharciga degganaashaha awgeed iyo in aad si fiican u taqaanno luqadaha finishka ama iswidhishka, oo ah si waafaqsan heerka la iska dalbaayo. Helitaanka dhalashada waxaa shardi u ah, in aqoonsigaaga shakhsiyadeed loo caddeeyo si aamminaad leh. Waana in aad tahay qof dhaqaale ahaan wax ka qabsada dalkan Finland gudahiisa. Dambiyadu waxaa ay kaa hor istaagi karaan helitaanka dhalashada.

Waxaad warbixin dheeraad ah ka heleysaa

- Bogagga internetka ee Waaxda socdaalka: migi.fi/turvapaikka-suomesta
- Fiidiyoowyada Waaxda socdaalka "Go'aanka oggolaanshaha ah": migi.fi/videot-turvapaikanhakijoille